

**საჯარო სამართლის იურიდიული პირი –  
ბათუმის ხელოვნების სასწავლო უნივერსიტეტის  
აკადემიური საბჭო**

---

ქ. ბათუმი

5 მარტი, 2012 წელი

**დ ა დ გ ე ნ ი ლ ე ბ ა № 115  
ბათუმის ხელოვნების სასწავლო უნივერსიტეტის სტუდენტთა  
სახელობითი სტიპენდიის გაცემის წესში ცვლილებების შეტანის შესახებ**

„ზოგადი ადმინისტრაციული კოდექსის“ 51-ე, 52-ე და 53-ე მუხლების, „უმა-  
ღლესი განათლების შესახებ“ საქართველოს კანონის 22-ე მუხლის პირველი  
პუნქტისა და უნივერსიტეტის წესდების მე-9 მუხლის საფუძველზე

აკადემიური საბჭო ადგენს:

1. შეტანილ იქნას ცვლილება ბათუმის ხელოვნების სასწავლო უნივერსიტეტის  
წარჩინებულ სტუდენტთა სახელობითი სტიპენდიის გაცემის წესის მე-2 მუხლის ბ)  
პუნქტის ვ) ქვეპუნქტში და ჩამოყალიბდეს შემდეგი რედაქციით:

ვ) გოგი დოლიძის სახელობითი სტიპენდიის კონკურსში მონაწილეობენ  
ვოკალური მონაცემების მქონე სტუდენტები.

2. დადგენილება დასამტკიცებლად წარედგინოს წარმომადგენლობით საბჭოს.

3. დადგენილება ძალაშია ხელმოწერისთანავე.

აკადემიური საბჭოს  
თავმჯდომარე

ე. მესხია

## დ ე ბ უ ლ ე ბ ა

### ბათუმის ხელოვნების უნივერსიტეტის სტუდენტთა სახელობითი სტიპენდიის გაცემის წესის შესახებ

#### მუხლი 1. ზოგადი დებულებანი

1. სსიპ-ბათუმის ხელოვნების უნივერსიტეტის სტუდენტთა სახელობითი სტიპენდია (შემდგომში - „სტიპენდია“) გამიზნულია პროფესიული და აკადემიური განათლების ორივე დონის იმ სტუდენტთა წახალისებისათვის, რომლებიც სწავლობენ ბათუმის ხელოვნების უნივერსიტეტში (შემდგომში - „უნივერსიტეტი“) და არიან გამორჩეულნი სწავლაში მიღწეული წარმატებებით, აგრეთვე აქტიური შემოქმედებითი და სამეცნიერო საქმიანობით.

2. სტიპენდიის მოსაპოვებლად განაცხადის წარდგენის ფორმა, კონკურსზე წარსადგენი დოკუმენტაციის ნუსხა და კონკურსის პირობები განისაზღვრება ამ დებულებით.

3. სტიპენდიის დაფინანსება ხორციელდება უნივერსიტეტის ბიუჯეტით, ამ მიზნით გამოყოფილი თანხის ფარგლებში.

4. სტიპენდიის მინიჭების მიზნით უნივერსიტეტში იქმნება სტიპენდიის მინიჭების კომისია (შემდეგში - „კომისია“), რომლის საქმიანობის წესი და უფლებამოსილებები განისაზღვრება ამ დებულებით.

5. საკონკურსო შერჩევის საფუძველზე სტიპენდია გაიცემა სემესტრული შედეგების მიხედვით, გარდა გოგი დოლიძის სახელობის სტიპენდიისა.

6. თითოეული სახელობითი სტიპენდიისათვის თანხის ოდენობა განისაზღვრება აკადემიური საბჭოს წარდგინებით წარმომადგენლობითი საბჭოს გადაწყვეტილებით.

7. სტიპენდია ენიშნებათ სტუდენტებს სწავლების მესამე სემესტრიდან, გარდა გოგი დოლიძის სახელობის სტიპენდიისა..

8. ყოველ ფაკულტეტზე სტიპენდიატთა რაოდენობა და სტიპენდიის დასახელება განისაზღვრება ფაკულტეტის საბჭოს წარდგინებითა და აკადემიური საბჭოს გადაწყვეტილებით. ხოლო საუნივერსიტეტო სტიპენდიატთა რაოდენობას და სტიპენდიის დასახელებას განსაზღვრავს აკადემიური საბჭო.

9. კომისიის მიერ არ განიხილება ფინანსური დავალიანების მქონე სტუდენტის განაცხადი.

10. სტუდენტს სახელობითი სტიპენდიასთან ერთად სხვა სახის სტიპენდია (მათ შორის სახელმწიფო სტიპენდია) არ მიეცემა, მას უფლება აქვს არჩევანი გააკეთოს სტიპენდიებს შორის.

#### მუხლი 2. განცხადება კონკურსის შესახებ

1. სტუდენტთა სახელობითი სტიპენდიის მოსაპოვებლად კონკურსს აცხადებს უნივერსიტეტი.

2. კონკურსის გამოცხადების შესახებ განცხადება უნდა შეიცავდეს:

ა) კონკურსის პირობებს;

ბ) პრეტენდენტისადმი წაყენებულ მოთხოვნებს;

გ) წარმოსადგენი საკონკურსო დოკუმენტაციის ნუსხასა და პირობებს;

დ) განაცხადის წარმოდგენის ვადასა და ადგილს

3. საშემსრულებლო მიმართულებით კონკურსში მონაწილეობის მისაღებად განაცხადის წარდგენის უფლება ეძლევა უნივერსიტეტის აკადემიური უმაღლესი

განათლების სამივე საფეხურის სტუდენტებს, სწავლების მეორე წლიდან, გარდა გოგი დოლიძის სახელობის სტიპენდიისა, თუ:

ა) საუნივერსიტეტო სტიპენდიის მისაღებად კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 91 და მეტი ქულა.

### ბ) საფაკულტეტო სტიპენდიის მისაღებად:

– საშემსრულებლო მიმართულებით სახელობითი სტიპენდიის კანდიდატს კონკურსის გამოცხადების მომენტისათვის სასწავლო პროგრამის ძირითადი სპეციალობის დისციპლინებში აქვს 81 და მეტი ქულა; ყველა დანარჩენ დისციპლინაში კი არა აქვს შეფასება 71 ქულაზე ნაკლები.

– თეორიული მიმართულებით სახელობითი სტიპენდიის კანდიდატს კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 91 და მეტი ქულა; ან გამონაკლის შემთხვევაში დისციპლინების 1/4 -ზე მეტში არ აქვს შეფასება 81 ქულაზე ნაკლები.

გ) გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მიღწევები.

დ) შესაბამისი სპეციალობის მიხედვით აქვს შემოქმედებითი აქტივობა და წარმატებები (მონაწილეობა გამოფენებში, კონცერტებში, კონკურსებში, სპექტაკლები და ა.შ.)

ე) გოგი დოლიძის სტიპენდიის პრეტენდენტს აქვს ვოკალური მონაცემები და ავლენს ქართული მუსიკალური ფოლკლორისადმი განსაკუთრებულ ინტერესს.

ვ) გოგი დოლიძის სახელობითი სტიპენდიის კონკურსში მონაწილეობენ ვოკალური მონაცემების მქონე სტუდენტები.

4. ამ მუხლის მე-2 პუნქტის „გ“ ქვეპუნქტით გათვალისწინებული საკონკურსო დოკუმენტაცია უნდა მოიცავდეს:

ა) განცხადებას კონკურსში მონაწილეობის შესახებ, (დანართი 1)

ბ) სასწავლო-შემოქმედებით/სამეცნიერო ავტობიოგრაფიას (CV). (დანართი 2)

გ) სამეცნიერო კონფერენციის, სემინარის, სიმპოზიუმის, შემოქმედებითი წარმატებების და სხვა ღონისძიებებში აქტიური მონაწილეობის დამადასტურებელი დიპლომ(ების), სიგელ(ების), სერთიფიკატის, პროგრამების და სხვა დედანს ან ნოტარიულად დამოწმებულ ასლებს;

დ) პირადობის მოწმობის ასლს;

ე) ცნობას სტუდენტის აკადემიური მოსწრების შესახებ;

ვ) სტუდენტის მიერ გამოქვეყნებული ნაშრომ(ების) დედანს ან დამოწმებულ ასლს;

ზ) არანაკლებ ერთ რეკომენდაციას პროფესორისაგან, რომელიც კარგად იცნობს პრეტენდენტის სასწავლო-შემოქმედებით და სამეცნიერო საქმიანობას.

5. კონკურსის ჩატარების შესახებ განცხადება უნდა გამოქვეყნდეს უნივერსიტეტის ვებ-გვერდზე და ფაკულტეტების საინფორმაციო დაფებზე განცხადების მიღების დასრულებამდე არანაკლებ 10 კალენდარული დღით ადრე.

### მუხლი 3. კომისია

1. საკონკურსო კომისია იქმნება რექტორის ინდივიდუალური ადმინისტრაციულ-სამართლებლივი აქტით. კომისიის შემადგენლობაში შედიან: უნივერსიტეტის ხარისხის უზრუნველყოფის სამსახურის უფროსი, ფაკულტეტის დეკანი, იურისტი, სტუდენტებთან მუშაობის განყოფილების უფროსი, სტუდენტური თვითმმართველობის წარმომადგენელი.

2. კომისია პირველივე სხდომაზე ღია კენჭისყრით ირჩევს თავმჯდომარეს და თავმჯდომარის მოადგილეს, წევრთა უმრავლესობით.

3. კომისიის სხდომებს ესწრებიან მხოლოდ კომისიის წევრები.

4. კომისია უფლებამოსილია, თუ მას ესწრება სიითი შემადგენლობის უმრავლესობა.

5. კომისიის სხდომებს უძღვება კომისიის თავმჯდომარე, ხოლო მისი არყოფნის შემთხვევაში თავმჯდომარის მოადგილე.

6. კომისია:

- ა) ისმენს მოხსენებას საკონკურსო დოკუმენტაციის შემოწმების შედეგების თაობაზე;
- ბ) ადგენს იმ განაცხადებს რომლებიც არ ექვემდებარება განხილვას;
- გ) განიხილავს შეფასებისათვის წარდგენილ პრეტენდენტების განცხადებებს (საკონკურსო დოკუმენტაციას) და ახდენს მათ შეფასებას;
- დ) იღებს გადაწყვეტილებას სტიპედიატისათვის სტიპენდიის ვადაზე ადრე შეწყვეტის თაობაზე.

7. საჭიროების შემთხვევაში უნივერსიტეტის მიერ კომისიაში შეიძლება მოწვეული იქნეს ექსპერტი სათათბირო ხმის უფლებით.

8. გოგი დოლიძის სახელობითი სტიპენდიის პრეტენდენტთა შესარჩევად რექტორის ინდივიდუალური ადმინისტრაციულ-სამართლებრივი აქტით იქმნება სპეციალური კომისია.

#### **მუხლი 4. პრეტენდენტის განცხადების (საკონკურსო დოკუმენტაციის)**

##### **წარდგენის წესი**

1. პრეტენდენტის მიერ საკონკურსო დოკუმენტაცია უნივერსიტეტში წარმოდგენილი უნდა იქნეს პირადად, ქართულ ენაზე 2 (ორ) ეგზემპლარად.

2. საკონკურსო დოკუმენტაციის მიღებასა და მის რეგისტრაციას აწარმოებს საკონკურსო კომისიის მდივანი

3. თითოეულ პრეტენდენტს აქვს მხოლოდ ერთი განაცხადის (საკონკურსო დოკუმენტაციის) წარდგენის უფლება.

4. პროგრამული დაფინანსების მქონე სტუდენტს ეკრძალება კონკურსში მონაწილეობა.

5. საკონკურსო დოკუმენტაციის წინამდებარე დებულების მოთხოვნებთან შესაბამისობაზე პასუხისმგებელია პრეტენდენტი.

6. საკონკურსო დოკუმენტაცია მდივანს ბარდება დანომრილი სახით. ამასთან განცხადებაში უნდა მიეთითოს თანდართული საკონკურსო დოკუმენტაციის ფურცლების რაოდენობა.

7. განაცხადი (საკონკურსო დოკუმენტაცია) მდივნის მიერ მიიღება მხოლოდ მე-2 მუხლის, მე-2 პუნქტის „დ“ ქვეპუნქტით განსაზღვრულ ვადაში.

8. პრეტენდენტს უფლება აქვს განაცხადების (საკონკურსო დოკუმენტაციის) მიღების ვადის დასრულებამდე წებისმიერ დროს წერილობით მიმართოს მდივანს თხოვნით განაცხადის (საკონკურსო დოკუმენტაციის) შეცვლის ან მასში ცვლილებების შეტანის თაობაზე.

9. განაცხადის (საკონკურსო დოკუმენტაციის) მიღების დასრულების შემდგომ მასში ცვლილებების შეტანა დაუშვებელია.

#### **მუხლი 5. საკონკურსო დოკუმენტაციის შერჩევა**

1. საკონკურსო დოკუმენტაციის მიღების ვადის დასრულების შემდეგ მდივნის მიერ კომისიის წევრების მონაწილეობით ხორციელდება მათი შემოწმება კონკურსის მოთხოვნებთან შესაბამისობის დადგენის მიზნით:

ა) სრულად არის თუ არა წარმოდგენილი ყველა დოკუმენტი;

ბ) არის თუ არა ყველა საჭირო დოკუმენტი შედგენილი შესაბამისი ფორმის დაცვით (უფლებამოსილი პირის ხელმოწერა, საჭიროების შემთხვევაში ბეჭდით დამოწმებული, თარიღის მითითება და სხვა.);

გ) შეესაბამება თუ არა საკონკურსო დოკუმენტაციის მონაცემები ამ დებულების მე-2 მუხლის მე-3 პუნქტის მოთხოვნებს.

2. საკონკურსო დოკუმენტაცია არ განიხილება შეფასებისათვის შემდეგ შემთხვევებში:

ა) თუ პრეტენდენტის მიერ არ არის წარმოდგენილი ყველა საჭირო დოკუმენტი ან/და ინფორმაცია;

ბ) თუ პრეტენდენტის მიერ ინფორმაცია/დოკუმენტები წარმოდგენილი არ არის შესაბამისი ფორმის დაცვით (ხელმოწერა, ბეჭედი, ნოტარიული დამოწმება და ა. შ.);

გ) თუ პრეტენდენტის მიერ წარმოდგენილი მონაცემები ან/და დოკუმენტები ყალბი აღმოჩნდა.

3. შემოწმების პროცედურის დასრულების შემდგომ კომისია განიხილავს შედეგებს.

### **მუხლი 6. საკონკურსო დოკუმენტაციის განხილვა და შეფასება**

1. საკონკურსო დოკუმენტაციის განხილვასა და შეფასებას ახორციელებს კომისია საბუთების მიღების დასრულებიდან 5 სამუშაო დღის განმავლობაში და გადაწყვეტილებას წარუდგენს აკადემიურ საბჭოს.

2. საკონკურსო დოკუმენტაციის შეფასება ხორციელდება შემდეგი კრიტერიუმების მიხედვით:

ა) **საუნივერსიტეტო სტიპენდიის მისაღებად კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 91 და მეტი ქულა.**

#### **ბ) საფაკულტეტო სტიპენდიის მისაღებად:**

- საშემსრულებლო მიმართულებით სახელობითი სტიპენდიის კანდიდატს კონკურსის გამოცხადების მომენტისათვის სასწავლო პროგრამის მირითადი სპეციალობის დისციპლინებში აქვს 81 და მეტი ქულა; ყველა დანარჩენ დისციპლინაში კი არა აქვს შეფასება 71 ქულაზე ნაკლები.

- თეორიული მიმართულებით სახელობითი სტიპენდიის კანდიდატს კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 91 და მეტი ქულა; ან გამონაკლის შემთხვევაში დისციპლინების 1/4 -ზე მეტში არ აქვს შეფასება 81 ქულაზე ნაკლები. გ) შესაბამის სპეციალობაში შემოქმედებითი აქტივობა და წარმატებები (გამოფენები, კონცერტები, კონცერტები, სპექტაკლები და ა. შ.) გამოქვეყნებული სამნეცნიერო ნაშრომი ან სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილეობა და მიღებული მაღალი მიღწევები.

- გოგი დოლიძის სახელობითი სტიპენდიის პრეტენდენტები შეირჩევა სპეციალური კომისიის (ჟიურის) მიერ.

3. გამოცხადებულ კონკურსში გამარჯვებულად ჩაითვლება ის კანდიდატი, რომელიც ყველაზე მეტ ქულას დააგროვებს.

### **მუხლი 7. კომისიის გადაწყვეტილება და სტიპენდიის ხელშეკრულება**

1. კომისია თითოეულ პრეტენდენტზე გადაწყვეტილებას იღებს ღია კენჭისყრით დამსწრე წევრთა უბრალო უმრავლესობით.

2. კომისიის ყოველ წევრს აქვს ერთი ხმის უფლება. კენჭისყრის შედეგად ხმების თანაბრად გადანაწილების შემთხვევაში გადაწყვეტილებას იღებს კომისიის თავმჯდომარე.

3. კომისიის გადაწყვეტილება ფორმდება სხდომის ოქმით, რომელსაც ხელს აწერს კომისიის თავმჯდომარე და მდივანი.

4. კომისიის გადაწყვეტილების საფუძველზე სტიპენდიატთან ფორმდება შესაბამისი ხელშეკრულება.

5. ხელშეკრულება წარმოადგენს სტიპენდიის გაცემის საფუძველს.

### **მუხლი 8. სტიპენდიატის მონიტორინგი**

1. კომისიის გადაწყვეტილების საფუძველზე სტიპენდიატს ვადამდე შეუწყდება სტიპენდია თუ:

**ა) საუნივერსიტეტო სტიპენდიის შემთხვევაში სემესტრის დასასრულს ვერ მიიღებს საგანმანათლებლო პროგრამით გათვალისწინებულ ყველა საგანში 91 და მეტ ქულას.**

**ბ) საფაკულტეტო სტიპენდიის შემთხვევაში:**

– საშემსრულებლო მიმართულების შემთხვევაში სემესტრის დასასრულს ვერ მიიღებს სასწავლო პროგრამის ძირითადი სპეციალობის დისციპლინებში 81 და მეტ ქულას; ხოლო ყველა დანარჩენ დისციპლინაში კი 71 ქულას.

– თეორიული მიმართულების შემთხვევაში სემესტრის დასასრულს ვერ მიიღებს საგანმანათლებლო პროგრამით გათვალისწინებულ ყველა საგანში 91 და მეტ ქულას; ან 1/4 - ზე მეტ საგანში დაუგროვდება 81 ქულაზე ნაკლები;

გ) დაარღვევს ხელშეკრულებით გათვალიწინებულ მოთხოვნებს.

**მუხლი 9. დებულებაში ცვლილებებისა და დამატებების შეტანა**

ამ დებულებაში ცვლილებებისა და დამატებების შეტანა ხორციელდება საქართველოს კანონმდებლობით დადგენილი წესით აკადემიური საბჭოს თანხმობითა და წარმომადგენლობითი საბჭოს გადაწყვეტილებით.

სწორია: